



Broj: 05-45-6740-3/21  
Sarajevo, 12.12.2022. godine

Na osnovu člana 20. tačka 1) Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01 i 48/11), i Uputstva za provođenje Zakona o slobodi pristupa informacijama u Federaciji BiH („Službene novine Federacije BiH“, br. 57/01 i 48/11), ministar komunalne privrede, infrastrukture, prostornog uređenja, građenja i zaštite okoliša Kantona Sarajevo **donosi**

## **VODIČ**

### **za pristup informacijama u Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo**

#### **I**

Svakoj osobi (pravnoj i fizičkoj), omogućava se pristup informacijama koje su pod kontrolom Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, a koje su sadržane u Indeks - registru informacija u prilogu, u skladu sa Zakonom o slobodi pristupa informacijama u Federaciji Bosne i Hercegovine.

#### **II**

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo smješteno je u ulici Reisa Džemaludina Čauševića broj 1, kontakt-telefon broj 033 56 20 86, E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba).

Službenik za informisanje je stručni savjetnik za upravno rješavanje Suada Muminović-Begović, zaposlenica Ministarstva u Upravi za stambena pitanja.

Ovaj vodič se objavljuje na web-stranici Ministarstva, a može se dobiti i kod službenika za informisanje - kao besplatan primjerak.

#### **III**

Pravo na pristup informaciji se ostvaruje:

- podnošenjem pismenog zahtjeva na jednom od službenih jezika BiH;
- u zahtjevu dati dovoljno podataka o prirodi i sadržaju informacije koja se traži kako bi se omogućilo organu da pronađe traženu informaciju;



- u zahtjevu se obavezno navodi ime podnosioca zahtjeva i adresa, a po mogućnosti i kontakt-telefon;

- zahtjev se lično predaje u prijemnu kancelariju Kantona, soba broj 2 u prizemlju zgrade, ili poštom na adresu Ministarstva. Ako se zahtjev odnosi na ličnu informaciju, zahtjev za pristup informaciji može podnijeti samo fizička osoba na koju se zahtjev odnosi, njen zakonski zastupnik ili punomoćnik. Osobe iz prethodnog stava svoj identitet potvrđuju prezentiranjem lične karte ili druge javne isprave s fotografijom, a zakonski zastupnik mora prezentirati i dokaz o zakonskom zastupanju, dok punomoćnik mora prezentirati punomoć i prilog, kopiju ličnog dokumenta podnosioca zahtjeva.

Ako se pismeni zahtjev odnosi na pristup informacijama, Ministarstvo će o tome odlučiti rješenjem.

Načini pristupa informacijama su sljedeći:

- neposredni uvid u informaciju;
- dostavljanje informacije na kućnu adresu;
- umnožavanje informacije.

Ako podnosilac zahtjeva traži usmeno objašnjenje ili samo uvid u određene podatke, odnosno informaciju, predlažemo podnosiocu zahtjeva, da se prethodno usmeno obrati službeniku za informisanje, koji će dati obavijest o mogućnosti i vremenu ostvarivanja traženog uvida. Rok za postupanje po zahtjevu je 15 dana, a za slučaj da se zahtjev ne riješi u ovom roku, organ je dužan obavijestiti podnosioca zahtjeva o razlozima.

#### IV

Ako se pismeni zahtjev odnosi na pristup informacijama, za koje organ nije u mogućnosti da udovolji, o tome će se odlučiti rješenjem koje mora sadržavati razloge nepostupanja po zahtjevu, pouku o pravnom lijeku i načinu ulaganja pravnog lijeka, kao i uputu o pravu i načinu obraćanja Instituciji ombudsmena za ljudska prava BiH.

#### V

Pravo pristupa informaciji može biti ograničeno u sljedećim slučajevima:

- interesa odbrane i sigurnosti, kao i zaštite javne sigurnosti;
- sprječavanje kriminala i otkrivanje kriminala;
- zaštite postupka donošenja odluka u organu, uključujući davanje mišljenja, savjeta ili preporuka bilo da se radi o licu zaposlenom u organu ili drugom licu koje radi za ili u ime organa, s tim da ne obuhvata činjenice, statističke, naučne ili tehničke informacije;
- ako zahtjev za pristup informaciji uključuje povjerljive komercijalne interese;
- ako zahtjev za pristup informaciji uključuje lične interese koji se odnose na privatnost trećeg lica.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

## VI

Organ će saopštiti traženu informaciju bez obzira na izuzetak, ako je to opravdano javnim interesom, pri tom uzimajući u obzir svaku korist i štetu koju može proizvesti saopštavanje informacije. Prilikom donošenja odluke da li je opravdano saopštiti informaciju s aspekta javnog interesa, Ministarstvo će razmotriti okolnosti koje su utvrđene u zakonu. Ako organ utvrdi da je dio tražene informacije kao izuzetak, onda izdvaja taj dio, a saopštava ostali dio informacije, osim ako na taj način razdvajanja informacija nije postala nerazumljiva.

## VII

Kad Ministarstvo odobri pristup informaciji u cijelosti ili djelimično, rješenjem će obavijestiti podnosioca zahtjeva o mogućnosti ličnog pristupa informaciji u prostorijama Ministarstva, ili će podnosiocu zahtjeva dostaviti informaciju u pismenoj formi, ako je ista kraća od deset strana, te mogućnosti umnožavanja informacije koja sadrži preko deset strana, i obavezi podnosioca zahtjeva da izvrši uplatu u vidu naknade troškova, uplatom na račun Budžeta Kantona Sarajevo, u iznosu od 0,10 KM po jednoj stranici. Uplatnica na ime naknade troškova popunjava se na sljedeći način:

- Lični podaci podnosioca zahtjeva;
- Svrha doznake: Uplata za troškove fotokopiranja po Zakonu o slobodi pristupa informacijama;
- Račun primaoca: 141 196 532 000 8475;
- Primalac: Budžet Kantona Sarajevo;
- Budžetska organizacija: 3301001;
- Poziv na broj: 0000000000;
- Naziv prihoda: 722791;
- Opština: Prema mjestu prebivališta podnosioca zahtjeva.

## VIII

Rješenja iz tačke VI i VII dostavljaju se podnosiocima zahtjeva najkasnije u roku od 15 dana od dana podnošenja zahtjeva, osim u slučajevima kada je neophodno dobiti izjašnjenje treće strane o saopštavanju povjerljivih komercijalnih informacija, odnosno informacija koje se odnose na privatnost treće osobe, kao i u slučaju kada je Ministarstvo dužno obavijestiti treću stranu da će zbog postojanja javnog interesa saopštiti informaciju koja je utvrđena kao izuzetak od saopštavanja.

Navedene okolnosti produžavaju rok od 15 dana za izradu rješenja o odobravanju pristupa informacijama.

## IX

U slučaju da se donese rješenje kojim se odbija zahtjev za pristup informacijama, rješenje se dostavlja podnosiocu zahtjeva, navodeći zakonski osnov za status izuzeća informacije, zatim sva materijalna pitanja koja su uticala na donošenje rješenja, te rok u kojem se podnosi žalba ministru



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>,  
E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

komunalne privrede, infrastrukture, prostornog uređenja, građenja i zaštite okoliša Kantona Sarajevo.

**X**

Vodič se primjenjuje od dana njegovog donošenja.

Prilog:

- Obrazac zahtjeva za pristup informacijama;
- Indeks registar informacija u posjedu Ministarstva;

**Enver**  **ing. maš.**